



Ақмешіт

20 қараша
сенбі

№92 (1794)

2021 жыл

апталығы

Газет
1994 жылдың 15 сәуірінен
бастап шығады

Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

ҚАЗАҚСТАН
ТӘУЕЛСІЗДІГІНЕ

ЖЫЛ
30

БРИФИНГ

ЖҮЙЕЛІ ЖҰМЫС ЖАЛҒАСЫН ТАБАДЫ

Осы аптаның бейсенбісінде ҚР Президенті жанындағы Орталық коммуникациялар қызметінде облыс әкімі Гүлшара Әбдіқалықова баспасөз мәслихатын өткізіп, Мемлекет басшысының Жолдауы аясында аймақта атқарылып жатқан жұмыстарды саралады.

Аймақ басшысы Тәуелсіздік жылдары және Жолдау аясында атқарылған жұмыстарға тоқталып, негізгі тірек салалардағы даму көрсеткіштерін баяндады.

– Елбасы Нұрсұлтан Әбішұлы Назарбаевтың стратегиялық бағыттағы тапсырмаларына сәйкес Тәуелсіздік жылдары өңір экономикасына 4 трлн теңгеден астам инвестиция тартылды. Жалпы өңірлік өнімдегі өнеркәсіп өндірісінің үлесі 1991 жылғы 11 пайыздан 30 пайызға дейін, ал ауыл шаруашылығының үлесі соңғы 10 жылда 3,9 пайыздан 6,3 пайызға дейін артты. Күршіттің өнімділігі мен жалпы алынған өнімі бүгінде 1991 жылғы көрсеткіштерден 1,5 есе өсті. Өңіріміз жұмыс істеп тұрған шағын және орта бизнес субъектілерінің санының өсу қарқыны бойынша елдегі үздіктердің қатарында. Атап айтқанда, биыл 9 айда өнеркәсіп өнімі өндірісі 0,5%, оның ішінде өңдеу саласы 12,6%, ауыл шаруашылығы өнімдерінің өндірісі 2,3% өсті. Жұмыс істеп тұрған шағын және орта бизнес субъектілерінің саны 6,6%, құрылыс жұмыстары 2,4% өсіп, пайдалануға берілген тұрғын үйлер көлемі 3,5% артты, – деді аймақ басшысы.

2 БЕТТЕ



#qazaqstan30

ТӘУЕЛСІЗДІК ТОЛҒАУЫ: АЛҒАШҚЫ ОНЖЫЛДЫҚТАҒЫ СЫР ЕЛІ

Жыл өткен сайын тарихтың қатпары қалыңдай береді. Уақыт жүйрік деген осы... Қарап отырсак, еліміз тәуелсіздік алып, өз алдына дербес мемлекет атанғаны кеше ғана еді. Бүгін міне, 30 жыл толып отыр. Бұл кезең қазақ елі үшін алтын ғасырға тең жылдар десек, артық айтпаймыз. Осы жылдар ішінде еліміз бірлігі мен берекесі жарасқан мемлекетке айналды.

Тәуелсіздіктің алғашқы жылдары мен қазіргі кезеңді салыстыруға әсте келмейді. Өйткені екі уақыттың арасы жер мен көктей. Бүгінде заң да, заман да, қоғам да өзгерді. Ол кезде құлдыраған экономика, әлсіреген әлеуметтің жағдайы сол кездегі жас мемлекеттік халқы мен басшылары үшін үлкен сынақ болғаны анық. Десе де қандай қиындық кездесе де, сан түрлі тығырықтан жол тауып, Қазақ елі алға қарыштап қадам басты. Осындай кезеңде ел тізгінін ұстаған Елбасы Нұрсұлтан Назарбаев елді тығырықтан алып шықты. Бұл ретте еліміз таңдауды дұрыс жасай білді деуге толықтай негіз бар. Атап айтсақ, 1991 жылғы 1 желтоқсанда елдің тілегімен, халықтың қолдауымен Нұрсұлтан Назарбаев еліміздің Тұңғыш Президенті болып сайланды. Осылайша тәуелсіз мемлекетті басқару міндетін мойнына алған Елбасының қиындыққа қарсы тұратын табандылығы ел арасында жоғары бағаланды.

3 БЕТТЕ

«ТЕН ҚОҒАМ» ОРТАЛЫҒЫ АШЫЛДЫ

Қала әкімдігі мен қалалық жұмыспен қамту, әлеуметтік бағдарламалар және хал актілерін тіркеу бөлімінің қолдауымен өмірлік қиын жағдайдағы мүмкіндігі шектеулі немесе өздері жарымжан, көп балалы, тұрмысы төмен отбасыларына әлеуметтік қолдау көрсету мақсатында «Тен Қоғам» әлеуметтік қолдау орталығы ашылды.

2 БЕТТЕ



Баспасөз-2022

АҒАЙЫН,
«АҚМЕШІТ
АПТАЛЫҒЫНА»
ЖАЗЫЛДЫҒЫЗ БА?

Міне, баспасөзге
2022 жылдың бірінші жарты жылдығына
жазылу басталды.

Қапы қалмаңыз, сүйікті газетіңіз төрінізде тұрсын!
Жекелер үшін 6 айға – 2500 теңге,
мекемелер үшін – 3500 теңге.

Баспасөзге қатысты сауалдарыңыз болса, мына
нөмірлерге хабарласыңыздар: 40-05-81, 70-14-08

БҮГІНГІ КҮН ТАҚЫРЫБЫ

Қараша алаң көңілмен басталды. «KEGOC» АҚ компаниясының сайтында 4 қарашада электр энергиясын шектеу туралы ақпарат жарияланды. Шектеуден Сыр өңірі де тыс қалған жоқ. Алайда облыс көлемінде электр энергиясын тұрақты беру мәселесі шешімін тауып, шектеу алынып тасталды. Жалпы жұртқа енді жарық сөнбейтіні айтылып, мәселе шешімін тапқаны хабарланғанмен, бұл тақырып әлі де өзекті қалпында.

Электр энергиясының жетіспеушілігі бір өңірдің ғана емес, мемлекеттің, тіпті әлемнің проблемасы екені даусыз.

ЖАРЫҚ БІР КҮННІҢ МӘСЕЛЕСІ ЕМЕС

Бір күндік мәселеге жатпайтын электр энергиясының жетіспеушілігінің жайын тартып көрдік...

Шектеу неден шықты? Электр тарату компаниясының жариялаған ақпаратына сүйенсек, бұл электр энергиясын тұтынудың жоғары қарқынымен байланыстырады. Санмен сөйлесек, биылғы 10 ай ішінде өткен жылдың осындай кезеңімен салыстырғанда тұтыну көлемі оңтүстік аймақ бойынша 11,6%-ке, солтүстік аймақ бойынша 5,7%-ке және батыс аймақ бойынша 7,5%-ке артқан. Ең жоғары жүктеме сағаттарында қуатты тұтыну өткен жылғы мәннен 1500 МВт-тан асып тұр. Тұтынудың осылайша ауытқымалы өсуі ең алдымен цифрлық майнингті жүзеге асыратын тұтынушылар үлесінің артуына байланысты. Сондай-ақ компания бүгінде электр станцияларындағы энергия қондырғыларының едәуір бөлігі апаттық және жоспардан тыс жөндеуде тұрғанын атады.

4 БЕТТЕ

БІРЛІГІ БЕРІК ЕЛДІҢ ТІРЛІГІ ТҮЗУ

Тәуелсіз Қазақстан көпұлтты мемлекет ретінде әлем алдында үлкен беделге ие. Бұл ұлттаралық татулығымызды айшықтап тұр. Бірлік – кеселегі су секілді, шайқай берсең бір тамшысы да қалмай шашылып төгіледі. Оны басынан өткерген елдер ғана біледі. Бауырмалдық қанымызда бар қасиет. Осы ізгі ілтипаттығымыздан болар қоныс аударып келген барлық ұлттарды жатсынбай жанымызға тартып, бір нанды бөліп бердік. Кеңес заманында аш жалаңаш жазықсыз жер аударылған жұртта есеп жоқ еді. Атарбамен апталан, тіптен айлан жол жүріп келген жаңда қандай қажыр, қайрат болсын. Шаршап, шалдығып, ішерге ас, киерге киім ташпай тартылып келгендерге танымаймын деп тіксіңбей туыстық құшағын ашқан да осы қазақ. Уақыт өтті. Заман өзгерді. Ұрпақ ауысты. Есейіп ержетіп, еңбектен жетілді. Бұл кешегі алмағайым заманда тұма тарихтың тақсиретін бастап өткерген жандардың жанжарасы болатын. Ол күнді құдай енді қайтін көрсетпесін. Бұл – бүгінгідей бейбіт өмірдегі барша бауырлас елдердің ортақ тілегі.

– XIX ғасырдың екінші жартысында қазақ даласына қоныс тепкен этнос өкілдері Қазақстан мемлекетін тарихи Отаны санайды. Барлық өзге ұлт өкілдері қазаққа қарыздар. Менің өкем «Жер ауып келгендерді әр елді мекенге болғанда мүлік, азық қоры мүлде болмаған. Осындай кезде өзі асқа жарымай отырып, шиеңтей бала-шағаның аузынан жырып, бір нанды бөлісіп жеді. Бұған дейін қазақ дегенді еміс-еміс естігеніміз болмаса, көз көрмеген ұлттық рухы мықты халық туралы бейхабар жандар мына жанашырлыққа жүрегі шыдамай, жанарларына жас алғанын көрдім. Жергілікті тұрғындар зорлықпен көшіп келгендерге қолынан келген көмегін аямады» деп айтып отыратын. Түрлі тағдырмен келгендер Қазақстаннан тұрақты мекен тапты. Қазақтар ешкімді жатсынбады, барлығын бауырына басты. Мен өзімді Қазақстанның байырғы тұрғынымын деп есептеймін. Бауырмал халқы,

ел қорғаған батырлары мен дуалы ауыз билері бар қазақ елінде туып-өскенімді мақтан тұтамын. «Жақсылық ағаш басында, жамандық аяқ астында» деген халық даналығы бар. Ырыс пен ынтымақ қылыштай өткір, гүлдей нәзік болып келеді. Оның қадірін түсірмей түсіну керек. Сонда ғана бағындырар биігіміз бәсеңдемейді, – дейді облыстық түрік этномәдени бірлестігінің жетекшісі Гүлшанин Ансерқызы.

Ауызбіршілік пен түсіністік үстемдік құрған жерде татулық тұрақтайды. Қазақстанда қалыптасқан халықтар достығы – мемлекетіміздің басты жетістігі. Оны көздің қарашығындай сақтауымыз керек. Сыр өңірінде 30 этнос өкілі мен 11 этномәдени бірлестігі жемісті жұмыс атқаруда. Оған негіз болатындай облысымызда ынтымағы жарасқан ұлт өкілдері дәлел. Бұл тәуелсіз Қазақстанның ең қастерлі құндылығы, ажырамас асыл бөлігі.

Т.ШАЙДУЛЛАУЛЫ

